

封邱縣續志

王廣慶題



封邱縣續志卷十七

人物略 列女

略二

節孝

人物略八

清

魯氏邑人朱三升妻年二十夫沒遺一孤甫數月撫養成立守節三十有一年

雍正三年旌表

朱氏邑人回印秀妻夫歿氏年二十四守節三十有五年雍正八年旌表

崔氏邑人魯士聰妻夫歿氏年二十二守節三十有五年雍正八年旌表

蔡氏劉銓妻年二十九而夫歿守節三十七歲雍正八年旌表

蔡氏邑人曹生牲妻夫歿氏年二十有二孝事孀姑以婦代子撫教幼孤以母

封邱縣續志

卷十七 人物略 節孝

一

開封新豫印刷所承印

兼師守節三十年雍正十年旌表

謝氏大岸王九我妻夫歿氏年二十有一矢志柏舟四十四年雍正十一年八

月二十八日建坊入節孝祠

申氏東守宮村高永明妻延津申某女中年夫亡得一遺腹子氏矢志柏舟撫

孤延嗣乾隆十七年及三十二年先後賜匾建坊旌表

郭氏黃陵集趙守禮妻康熙四十六年氏二十有五歲夫病故遺子峻嶺尚在

懷抱氏頗明大義柏舟自誓敬姑撫孤不以艱辛渝志後峻嶺成立誥封朝

議大夫為之請旌乾隆三十六年奉旨立節孝坊

以上八名見通志及採訪

李氏古佛寺傅春山妻十六歲于歸僅二載夫病故以翁姑年高子方周歲矢

志守節孝奉二老謹具甘旨義方訓子俾克成立咸豐九年旌

張氏石莊賈錫藩妻張金城女十九歲于歸只一載夫卽世氏因孀姑年邁嫂又多病扶持轉側全恃已力乃矢志守節孝養彌篤撫嗣子如已出壽古稀有二節孝兩全咸豐十年請旌同治六年奉旨入節孝祠

王氏張莊張錦榮妻邑人王殿女十八歲于歸甫一載夫病故氏日夜哀毀絕粒數日翁姑諭以大義始進飲食嗣後恪遵婦道馨膳潔羞外惟以女紅自勵迨翁姑相繼卽世喪葬無不如禮且和妯娌慈侄輩教嗣子列成均同治五年旌

賈氏孟莊石克謹妻縣內賈璞女二十五歲始結褵僅二載夫故氏念孀姑年邁須人扶持乃忍息以全孝道聞姑號泣必含悲爲喜善言解勸且和妯娌愛侄輩教嗣子終身靡他同治五年旌

封邱縣續志

卷十七 人物略 節孝

二

開封新豫印刷所承印

常氏黃陵集趙日瑄妻常文英女十九歲于歸七載夫故以親老子幼矢志柏舟上奉孀姑下撫弱息守節六十有三年同治十一年旌

梁氏黃陵集趙延錕妻蘭儀梁文藻女十七歲于歸祇七載夫病故而遺孤尙在襁褓祖姑壽已古稀翁姑猶需孝養氏頗明大義上奉尊長下撫孩提卒至節孝雙全享壽五十有七同治十一年旌

趙氏黃陵集張立德妻趙日朗女十九歲于歸八載夫故氏哀毀欲死以親老子幼業薄家貧強延殘息奉親教子以延宗嗣同治十一年旌

李氏油房張鼎妻李綱女也十八歲于歸七載夫故氏痛毀殊甚幾至滅性因繼姑在堂責以大義遂忍死盡孝育子延嗣守節六十餘年同治十一年旌

唐氏邑人唐啟運女年十九適黃陵集吳興豹九年夫故因親老家貧奉養無

人襁褓尚幼宗桃堪虞遂忍痛延息孝慈兼盡守節三十三年同治十一年旌

高氏黃陵集趙延平妻邑人高纘女也二十一歲始出閨甫三載遺一子夫卽世氏哀毀過甚病幾不起賴祖姑及翁姑諭以大義方轉念誓以孝慈自勉家貧給以紡織子旣成立已節已完同治十一年旌

吳氏文寨張金魁妻邑人吳麟興女二十歲于歸結褵八載夫故氏因親老子幼苟延殘餘終身貞潔賢孝同治十一年旌

劉氏祥符劉諱女幼字郭莊郭嶧峯十九歲于歸年二十七夫故氏系出名門洞明大義孝孀姑教嗣子同治十一年旌

席氏小屯孫郇妻輝縣席作標女十九歲于歸祇七載生男女各一夫故越三封邱縣續志 卷十七 人物略 節孝 三 開封新豫印刷所承印  
年子亡女又患瘋疾氏孤苦守節孝親盡禮同治十一年旌

王氏縣東街李脊修妻邑人王玉照女也十八歲于歸九載生子芝夫卽世氏日夜哀毀欲以身殉旣念翁已耄老子尚幼釋仰事俯畜乃已天職矢志柏舟勤謹家務承歡之外義方教子乃翁卽世喪葬悉能如禮同治十一年旌  
宋氏黃陵集趙淑根妻宋世銓女十七歲于歸結褵五載夫故祖姑年近八旬孀姑亦老中饋無人遂以節孝自勉蓋以氏素嫻姆訓深明大義故能董荼自甘於尊長之養生送死靡不從豐同治十一年旌

尤氏葛台雷眞妻滑縣尤勤女十七歲于歸七載夫故遺一子汪然出涕曰娶妻爲養親延嗣也今我家親老子少徒負貞烈之名而失孝慈之道亦不得爲完人矣於是恪守閨訓機杼度日旣盡婦道又全母恩同治十一年旌

鄭氏黃陵集趙淑居繼室蘭儀鄭履豐女十八歲于歸祇三載夫病故氏痛不欲生因念孀姑在堂一子又夭膝下無人奉養乃矢志柏舟竭力孝敬同治十一年旌

甯氏馬村侯書妻邑人甯三元女十七歲于歸僅十八日夫故氏朝夕哀毀勺漿不入口者數日賴翁姑諭以大義始少進飲食矢志柏舟不飾簪珥除歸寧外恆終歲不出閨門恪盡婦道勞悴不辭以猶子玉立爲嗣同治十一年旌入節孝祠

王氏後馮村丁錦川妻邑人王霖溥女十六歲于歸祇一載餘夫病故氏欲身殉以子方數月忍痛矢志奉姑育孤孝慈並盡同治十一年旌

金氏後馮村丁鱗川妻邑人金家彥女十八歲于歸載餘夫故遺一女孀姑年邁孤女呱涕氏乃忍痛矢志不數年姑與女俱亡氏又撫養猶子以承宗嗣同治十一年旌

傅氏黃陵集趙淑儒妻長垣傅永年女十八歲于歸甫四載夫故遺一子尙幼曾祖及祖與翁皆逝世諸孀姑在堂事上撫孤勤儉持家孝慈兼盡始終克完節操同治十一年旌

王氏王壯國女性端重幼字油房張宜年十六于歸祇一載無所出夫卽世氏痛欲殉賴姑以大義相責方不死姑課女工嚴氏不惟處之怡然而仰事之誠四十二年如一日同治十一年旌今其坊巋然猶存

趙氏永頭程新培妻趙廷樗女十九歲于歸結褵八載生子女各一夫故氏欲殉以翁姑年邁子女幼穉遂以養孝撫幼爲事家貧躬親勤勞孝慈兼盡清

節堪爲世風同治十二年旌

范氏班鳩皆康國選妻邑人范克恭女十七歲于歸未十日國選死祖姑與孀姑俱年邁以奉養無人矢志柏舟承歡膝下養生送死悉能如禮同治十二年旌入節孝祠

田氏縣北街滑兆祿妻長垣田九成女年十七于歸祇八載夫卽世撫遺孤俾成立守節三十二年光緒十二年以節媿懷清匾額表其門並入節孝祠

劉氏邑人呂裕恆妻縣西關劉道興女十八歲于歸結褵九載夫病疫死遺二子翁姑俱存氏仰事俯畜孝慈兼至光緒二十三年旌

以上二十六名見檔卷

劉氏陡門劉德女邑人韋法先妻也性沉靜年十七于歸時韋家赤貧饔飧不給而氏無對言惟孀姑是孝夫子是敬閱七載姑見背百方籌措喪葬方克

封邱縣續志

卷十七 人物略 節孝

五

開封新豫印刷所承印

盡禮逾年夫又死遺一子名澤民方三歲喪葬之餘孤苦更倍然境愈困而節愈勵子雖少而教彌嚴後至子遊泮水家業歲增彌留之際猶諄諄以勤儉訓其子守節四十五歲光緒二十三年旌以歐母齊芳匾額入節孝祠

見檔

卷及  
採訪

雷氏小東關雷震之長女陳道謝興魁妻也性賢孝父及兄均早亡祖母喪明母又多病姊妹行四人氏居長而一弟兩妹皆幼穉家赤貧資饘舖生意度日事事非氏寸步難支母欲爲之擇婿氏赧然曰兒他適我家其離散矣誓非弟妹成人不字是以年二十四始歸謝氏時謝家亦淪落氏至典質衣鏹仍開饘舖以佐家計無何翁棄養姑染癱瘓疾氏湯藥親嘗扶持轉側如是數年無惰容加以夫弟髻齡賴氏撫育光緒三年歲大歉適遭姑喪家愈式

微同夫謀食開州居劉五星村子一名玉亭方數歲既而夫旋省墳墓未返而逝三年始得耗乃攜子來歸至則房屋全無不得已又赴汴垣母傭工子學商數年後玉亭己成立聰敏孝順且勤勞工作由是返里而氏心慈善好施舍有遠支夫弟孤苦衰邁留養以終塋啟其妻攢使之合墓又有山東劉筱山夫婦攜子女流寓封城無何其夫卒停喪不能葬氏聞之惻然出錢具棺葬之後劉子亦早夭母女奄奄待斃常給薪米以贍其家陳道祖塋側購地十餘畝俾族中貧者分耕之不收租如義田然其他救助貧困捐助善舉不可勝數氏晚年好誦佛經不如量酒素不識字久之心地光明並曉其音義光緒二十三年旌氏生於道光二十二年八月十二日於民國十二年十一月月初七日戌時卒年八十有二歲鄉人於其三周忌日建碑以表其墓

本檔

卷及謝氏  
家乘纂

王氏邑人時大量妻祥境張八寨王太常女十七歲于歸咸豐十一年流寇入境其夫加入練鄉團禦賊陣亡時氏年二十有三孀姑在堂孝養兼至遺一女方三歲教育成人爲擇佳壻又能貞靜自守潔如珪璧光緒二十三年旌秦氏縣北街張汝化繼室山東濟甯秦永吉女于歸後待前子教養兼至氏三十歲時夫患時症死已出二子翁姑俱歿舟柏矢志以屢經事變家業凋零生計堪虞而歲時祭祀未嘗少缺且爲子延師求學館穀不給至典妝奩衣物以補之後長子毓相列成均次子毓梅入邑序光前裕後悉氏之力光緒二十三年旌以柏舟亮節匾額

石氏孟莊石彬女幼字縣北街張琇十七歲于歸十一載夫患疫死無所出家

中諸事賴其料理青年守節皓首不二光緒二十三年旌

郭氏陽武郭恩女幼字縣內邊祖承十八歲于歸甫八載夫病瀉痢死氏欲身殉以翁姑在堂節哀勉盡婦道以胞侄濟昌承繼撫如己出爲之娶妻生子以延宗嗣後濟昌入邑庠亦氏教育之力光緒二十五年旌

馬氏者滑縣馬松嶺女也性沉淑喜怒不形於色尤工女紅十八歲歸王誥咸豐二年夫患時症死遺二子長廷松方四歲次廷楷只數月妯娌四人氏居其次羣處和集絕無纖微嫌其對子侄之教誨提攜又無異同視同治二年姑患病氏湯藥必親凡百多日及姑卒哭盡哀喪盡禮同治十年翁又卒亦如之光緒二十七年旌

楊氏黑石儒家女小屯孫劼妻二十于歸劼父教子嚴試不售輒見責一日仍

封邱縣續志

卷十七

人物略 節孝

七

開封新豫印刷所承印

鍛羽歸懼父督過自經死時年二十八遺二女率奉舅姑孝敬彌篤絕無怨懟意舅姑憫其孀恆寬假之亦不自異室家造作勞同娣姒撫猶子世法爲嗣教養兼盡卒獲成名壽八十有六光緒二十八年旌

趙氏陳固集趙鵬飛女幼字李馬台李憲章十八歲于歸結褵四載遺一周歲子夫卽世不數年翁姑亦相繼棄養氏營葬雙親遣嫁兩妹并紡績教子理家貞潔自守門戶整飭光緒二十八年旌

夏氏南范莊王肅然妻邑人農家女十九歲于歸甫六載夫歿遺一女未幾女又夭氏誠事舅姑勞瘁不辭歷久如常絕無怨意光緒二十八年旌

王氏小馬台高墳樂妻南范莊王汝舟女二十一歲于歸後五年夫病死姑目喪明翁又棄世夫弟尙在孩提氏奉老撫幼勤勞不辭爲弟娶妻生子愛如

己出光緒二十八年旌

歐氏歐元祿女縣南街杜秀妻十九歲于歸結褵八年夫患瘟疫死時姑老子幼萬難度日氏猶矢志守節艱辛不辭上奉孀姑下撫幼子節孝雙全光緒三十年旌入節孝祠

邊氏縣南街范亮妻邊電女也十七歲適范氏孝奉翁姑無違夫子閱十載生四子長世忠次世德三世俊四世恩俱幼穉而夫死喪葬後餘產無多撫養爲艱而氏乃含辛茹苦恃織紡針黹以供朝夕且令長次子作負販以助家用暇更畫荻以教幼子洎四子皆成立家亦裕恤宗族濟貧困行種種慈善事業光緒三十年旌以節勵冰霜匾額入節孝祠

王氏縣內邊胡同呂廣聚妻祥屬東楊寺王傑女于歸時年十九越九載無所出夫暴病歿氏孝敬翁姑勉盡婦道持清操以理家勤紡績以度日歲時伏臘甘旨孝養以胞侄順之爲嗣撫如己出延師課讀且爲之娶媳生孫四以延宗祀守節四十八年光緒三十一年旌

謝氏大韓丘謝金鏡三女幼字大里薛王君平十六歲于歸甫四載翁卽世祇有繼姑及女兄在室適值累年饑饉日不聊生繼姑改嫁女兄童養夫家夫又餽口他鄉氏無賴歸母家依父母度日父乏嗣得氏之操作方能自立迨父母相繼卽世爲之立繼嗣以延宗祧後復爲夫立嗣兩家門戶賴以不墜皆氏力也光緒三十三年旌

劉氏李灣李文德妻北后劉文田女十八歲于歸祇三載夫患瀉痢死氏痛欲殉以家貧親老勉強偷生矢志柏舟紡織度日孝奉翁姑莫不中禮光緒三

十四年旌

侯氏西林莊蘇光華妻同治十一年于歸時氏十九歲祇六載夫病歿侯痛欲死以親老子幼矢志守節上奉孀姑下撫孤兒節孝雙全宗嗣亦繼宣統二

年旌

以上十五名見檔卷

葛氏葛家慶季女幼字祥符張民望結褵二載夫卒時氏方十九卽欲從夫於地下但念孀姑在堂子方呱呱不忍一死塞責自此撫孤兒奉高堂昕夕弗怠及姑卒哀毀如禮代夫盡職子成立登黨序不幸爲仇掠殺氏能俾得罪人爲死者洒恥孫二一人膠庠一列辟雍氏曰吾可報良人於地下矣八十有三卒

周氏齊寨齊家榮妻于歸年餘夫病死氏痛欲殉以己身有孕不忍斬夫嗣苟

封邱縣續志

卷十七

人物略 節孝

九

開封新豫印刷所承印

活以俟及臨蓐舉一男名文德遂矢清操孝親慈子後於翁姑之養生送死悉能如禮某年請旌奉旨入節孝祠

歐氏邑人鄭蘭亭妻年二十有二無所出夫卽世歐痛不欲生賴親屬屢勸乃不死後繼姑很毒百計逼嫁橫逆疊加氏仍冰霜爲心誓不他適撫教嗣子接續宗祧守節四十四年壽六十有六歲

季氏黃小街黃信妻尙莊季家女也相夫子事翁姑悉能如禮年六十一夫歿遺子鶴鳴年尙幼季克勤克儉義教有方長卽名列膠庠以明經顯鶴鳴性至孝以母年古稀恐疏於侍奉爲買婢女供指使氏以己非世家遂自備妝奩遣嫁於丈八某氏按時迎送如己女焉享壽九十有二

柳氏小魯崗劉天福妻年二十夫卽世姑老子幼屋兩間田三畝氏矢勤矢慎

仰事俯畜俾姑母得享天年幼子漸至成立清操貞節足爲世風享年八十有四卒

劉氏徐羅問女齊寨齊家鳳妻也年三十孀遺二子薄田六畝孤苦度日適值光緒三年歲大饑二子餬口於外均不返子然一身守節四十餘年侄廣亮嗣

李氏和寨李九經女道光二十年適魯崗集司氏二十五歲夫死遺二女家赤貧無衣食資或以再醮勸李曰凡改嫁者爲惡貧耳吾自分命薄富貴誠非所欲且吾善縫紉恃吾十指之力母女三口已能自給况吾母家又係名門時常周濟何貧之有若從汝言不惟不肯舍吾女且無以對吾夫更置吾母家於何地耶自是矢勤矢慎生活寬裕迨二女于歸後以食指愈寡積資購

封邱縣續志

卷十七 人物略 節孝

十

開封新豫印刷所承印

地二十畝因無期功近親以族孫爲嗣壽七十有四

以上七名  
見採訪冊

民國

王氏車廂王青山女桑村王倫秀妻十九歲于歸年三十有四夫亡於外養老撫幼王身兼之日用不給助以織紡遇翁姑病則湯藥親嘗晝夜不離姑病時又爲割股療治及二老卽世喪葬皆盡禮且以家境困難命長子鳴琴棄讀就商次子鳴鶴竭力耕田民國七年請旌蒙賜獎章及節勵松筠匾額賈氏縣北街賈文田女幼字沙崗高鴻浦于歸未幾翁卽世賈奉孀姑有加年二十八夫故遺二子長延枚方四歲次延柄在襁褓賈矢以身殉絕粟數日後以孀姑勸慰親隣開導自思節不可虧孝孝更宜全遂進食視事以奉親教子爲務一切家務均其自理及孀姑病湯藥必親嘗晝夜不離衣不解帶

者數月喪葬又能中禮夫有異居弟四人後均寒微常補助之且優待族隣  
周濟貧乏絕無吝色逝世時閭村悲傷民國十年大總統旌以志潔行芳匾  
額

鄭氏邊祖葆妻鄭永泰女光緒九年氏十九歲于歸夫昆仲五人惟夫最幼諸  
兄長俱宦遊於外惟夫在籍讀書憤諸兄皆顯貴日夜刻苦勞心過度以致  
患神經病不能視事氏內而孝親外而理家倍極辛勤諸夫兄時有由任餽  
奉悉獻高堂絲毫未嘗自用不幸翁逝姑亦就衰氏躬侍奉日夜不離者十  
餘年及姑卒喪葬盡禮民國十年大總統旌以鄉里矜式匾額與紅綬銀章  
高氏張蘊琳妻十七歲于歸只三月夫病時症死以猶子進修爲嗣姑病癱瘓  
湯藥親嘗衣不解帶者三年有餘及姑卒喪葬皆中禮民國十二年旌以節  
封邱縣續志 卷十七 人物略 節孝 十一 開封新豫印刷所承印

勵松筠匾額並自綬銀質褒章時氏壽六十有一尚存

劉氏西林莊王瞻啟妻十九歲于歸甫六載夫病故上有祖母與姑均孀居下  
有弱息僅三歲仰事俯畜均賴其力及後養生送死悉能中禮畫荻和丸教  
子成立民國十二年請旌賜以匾額及白綬銀章

謝氏陳道謝祿女幼字西林莊王玉書年十三母患癱症親侍湯藥須臾不離  
母逝世兄妹之間異常友愛年十九歸玉書翁時設帳異鄉夫亦出就外傳  
治家事姑皆身任之光緒初歲大稔謝勤紡績典簪珥以助日用復以家無  
餘資不能憐貧勸夫赴河東以布易粟來則平價出售鄉里感之贈送懿行  
可風匾額胞侄希曾姊妹六人幼失怙恃謝殷勤教養至於成立民國十三  
年旌年八十有七尚存

張氏朱留固朱兆麟繼室素嫻內則有壺範夫出外就傅仰事俯畜隻身操持翁患怔忡數載湯藥必親未嘗暫離及翁卒辦理喪葬哀禮兼盡撫前室三女均如己出茹苦含辛絕無一刻倦意小姑適焦姓家貧又時嘗補助既又養之己家族隣有急莫不周濟民國十三年旌

劉氏邊莊邊脫安繼室十七歲于歸前房遺一子甚弱賴劉照料始能成立生四子一女二十九歲夫故氏孝奉孀姑先意承志教養子女彼此無異民國十四年旌時年八十有二尚存

王氏王瑞妻十九歲夫故閱三月得一遺腹子孝奉孀姑朝夕不離教養幼孤恩義並施後子至三十有四歲早夭孤苦冰操始終不渝民國十四年旌時年五十有三尚存

張氏白寨李培棠妻王莊張梓女生於清同治十三年十八歲于歸五載夫病歿遺一女氏痛至泣血不食不言決欲殉經翁姑苦爲勸慰始進食翁精岐黃遠近延診者日不暇給姑有瘋疾時發時愈其起居飲食及一切家政皆氏爲之經營井井有條且賢孝性成衣食之間美則歸親惡則自用姑屢止不從翁姑皆享高年民國十五年旌時年五十有三尚存

以上十名  
見檔卷

魏氏者婁堤魏某女大工衡永和室也及笄入婿門夫婦相敬如賓琴瑟調而家奇窮全恃力作以度朝夕二年生子勤甫周歲而夫卽世魏節孝性成久而益堅井臼縫紉備極勞瘁無何而舅亦卽世破壁一燈婦姑兩孀見者爲之淚下及子勤稍長家貧不能讀使之牽車服賈以冀孝養孰知學古固可入官而力穡亦能有秋一旦否去泰來居然小康氏年八旬子勤先母卒媳

何氏百方掩飾且戒家人不令知如哀泣方殷聞姑至莫不破涕爲笑魏壽

八十二歲而終

本採訪  
冊纂

溫氏陳道謝家慶子孀妮妻其母家本溫莊望族溫生時已式微字謝家卽爲童養媳謝家赤貧翁佃於祥屬崔莊夫從戎於外溫孝奉翁姑年二十四方能結褵只二載姑亡不匝月夫又逝世溫竭力奉翁疏水承歡縱富而多子女者究未逮其適親之志後翁歿服滿謝亦齋志死時在民國二十年六月初四日

王氏西黃村營張學孟妻年三十而孀遺一子祇四齡上事姑嫜下撫弱息莫不適義戚里稱之後其子清河精岐黃活人無算民國四年壽九十有二卒閻氏馮馬台馮希賢母于歸後生一子姑得癱瘓疾動作爲艱一家四十餘口

封邱縣續志

卷十七 人物略 節孝

十二

開封新豫印刷所承印

內政均待料理妯娌間閭更居長而於病姑之飲食湯藥轉側便溺數十年未嘗少懈且內而家務事無巨細均能有條有理某年爲匪劫去至中途問知爲閻匪素耳其賢釋令旋里

王氏東王村王某女鄭村韋甄頭妻也二十餘歲而孀遺子一女二皆幼小氏矢志柏舟艱辛度日後子德平娶妻生子皆賢孝能克家氏現年九十有一猶康健愈常人云

李氏劉橫賈和妻李崑玉祖姑也年三十有一而孀事翁姑以孝聞現年九十有一而康健如壯時

李氏高士莊郭銀妻三十三歲孀撫孤守節壽八十餘子修綱妻趙氏二十五歲孀矢志柏舟現年六十有七孫德馨妻李氏二十八歲孀隨姑守節均能

恪遵內則貞潔自持

王氏石莊賈春林妻二十九歲時夫得暴病死翁姑年邁祇有薄田二畝賴氏十指之勤與人縫紉得其工價以助孝養之費今年八十有餘

劉氏東王村劉某女鄭村韋懷恩妻也夫二十以病亡生遺腹子名廷選猶幸可以延宗嗣越三載夫二弟喜恩年二十四亦卽世其妻程氏只一女妯娌二人同矢柏舟各保孤兒爾時雖夫三弟完婚年皆幼穉翁姑之孝養并白之勤勞劉氏及程氏均任之及廷選稍長令入學十四歲娶韓邱謝山女方冀成立以光門楣於二十四歲復夭札遺一子二女無何謝氏以哀毀過甚竟得沉痾疾延至四十歲又病故劉氏乃撫育諸孫女勉度朝夕廷選子名啟元任俠好義娶王村萬氏女生子有梅民國十六年夏某軍過境以先時封邱縣續志

卷十七 人物略 節孝 十四 開封新豫印刷所承印

多住民宅不滿民望啟元卽結聯莊會迎擊於邑西南之水車里敗北死者數十人啟元與焉年僅二十有七劉氏乃仝弟婦孫媳共守堅貞節孝累世云

金氏鄭賈村鄭亮妻也鄭亮二十四歲死金卽志存懷清制行惟嚴孝奉翁姑數十年無懈志及二老臥病金爲延醫問卜湯藥親嘗晝夜不離無何翁姑相繼卒喪葬悉本於禮且對老貧戚族之人莫不寬厚民國九年親族曾勒石表揚以志其德云

段氏縣北街馬儉妻結褵未幾夫亡子女皆無一貧如洗而貞潔之操始終不渝子然一身苦無所歸惟依夫兄嫂度日且秉性淑善持躬勤儉視侄女輩如親生朝夕照料無稍懈意如是者三十餘年兄嫂感其德鄰里稱其賢現

年五十有三

馬孝女西關馬步雲女端莊柔順沉靜寡言父性慧直恥以婦翁自居馬仰體親心終身不字奉養椿萱致敬盡禮父母壽終仍依兄嫂誓不他適兄嫂歿遺一女躬爲撫養勞瘁不辭及長又爲之選名門備妝奩遣嫁之馬則子然一身初衷不移至今古稀有二猶一白髮子角處女貞孝雙全洵堪與戰國之北宮氏女南宋之會稽三陳爭烈矣

以上十一名  
見採訪冊

貞烈

人物略九

清

桂氏邑人劉立柱妻柱爲人傭工氏暫歸寧賈三窺氏父母他出強姦不從以繩勒死逸去後捕訊伏法雍正四年旌表

封邱縣續志

卷十七

人物略

貞烈

十五

開封新豫印刷所承印

周氏邑人王國立妻儻居王二空房王二乘其夫出外入室逼姦氏峻拒之王奔遺氏懷恨投縋死雍正六年旌表

張氏邑人王紳妻本村陳五悖等逼姦不從憤恨投縋死雍正八年旌

王梅妮邑人王鉅女以拒暴死乾隆時旌

上三名  
見通志

姚蘭姐九甲村姚某女幼字荆隆工王劉柱未于歸劉柱死父母欲嫁之女不可強媒定婚有期矣女乘間奔王家拜舅姑哭訴衷情誓不他適舅姑察其誠約親族令抱牌拜堂而媳處之姚奉養二老孝敬備至道光六年翁爲訟事累久繫獄姚時惦念欲託情以金贖翁姑曰聞今縣令嚴肅關節必不能通恐非家有死殤爾翁不得歸也姚聞之默爾有所思忽於其年九月二十六日自縊死地保呈報到縣知縣邢公親臨檢訊驚其貞烈據實上詳卽於

是年十二月上旬奉旨建坊旌表且爲勒石封墓云

本採訪冊纂

李氏王蕙妻也美而賢爲夫兄王智所垂涎一日家無人窺氏獨在廚中炊智暴入以繩縲氏頸逼與私氏厲聲喊罵不從智怒以刀斷氏喉死後事露智以強姦論抵邑宰蔣萬寧詳其事以貞烈旌且捐廉購地葬於縣南門外之東南隅封墓立石今墓存而碑已折

本採訪冊纂

劉氏劉榮卿女幼字石莊石錫信秉性貞烈十八歲于歸甫一載姑棄養未幾錫信又病歿氏本欲以身殉而族黨爭起承繼以覲其業益觸氏厭世之思遂自縊時在道光十五年

見採訪冊

萇氏邑人萇璽女同邑張球妻也十七歲于歸甫二載夫病死氏念子方數月恐徒殉以斬夫嗣於是忍死撫孤艱苦備嘗三十年子成立孫又誕育乃喜

封邱縣續志

卷十七 人物略 貞烈

十六

開封新豫印刷所承印

曰吾事畢矣遂攜幼孫展拜夫墓曰君既有孫無患嗣續無人妻不忍久留人世使君永曠泉台於是夕沐浴更衣自縊中堂死及家人知氏神往已久而顏色如生鄉里以烈行上聞邑宰旌以志潔冰壺匾額

見萇氏家乘

范氏劉村范青奎女幼字邊莊邊應時二十一歲于歸能執婦道甚得姑歡甫一載夫以嗜學積勞嘔血死氏志在必殉晝夜涕泣姑多方勸慰不聽乃給之曰諺云葬未百日例禁開曠汝縱死不得與夫同穴矣更令撫猶子爲嗣佯應之居常默默少進飲食後五閱月絕粟死光緒二十八年旌

陳氏陳寨陳某女黑塔田田留礮妻也年十八于歸性溫柔夫婦情尤篤祇一載留礮暴病死氏哭踊至泣血決意身殉經家人伺顧不得遂因憂悶寡懽

飲食爲減越兩月竟以鬱結卒

上二名見採訪冊

賢明

人物略十

清

張氏高可園妻張勝嶺次女處閨時母患腿疾久潰而瘡數年弗愈氏日夜侍湯藥無稍怠比與高結褵深得翁姑歡悉以內政委之從不執己見必稟命而行不幸姑染膈症醫藥罔效姑不食亦不食中夜祈禱願以身代姑卒喪

葬如禮人稱賢孝云

見高氏家乘

王氏大岸王民嫡妻幼嫻禮法八歲失怙依依慈幃人稱孝女年十四于歸奉

孀姑孝待妾媵慈相夫子敬教子嗣義委婉淑慎世少與媿

見採訪冊

萬氏萇芬妻萬化女也幼讀書明大義及于歸孝高堂和娣姒家庭之間融融

怡怡夫勤於學氏紡績佐讀夜深不息生子女各一即夭歿繼以宋氏亦賢

封邱縣續志

卷十七

人物略

賢明

十七

開封新豫印刷所承印

者宋悲前子日辰童年失恃撫育兼至以至成立及日辰授室氏乃備物備

禮勝於所出並志之以垂壺儀

見萇氏家乘

朱氏開境南趙砦朱某女性淑惠年十九于歸迪功郎黃伯能爲妻伯能性嚴肅合族皆畏威無敢爲非者氏事之惟謹臨深履薄率以爲常無出以長兄長孫金臺爲嗣而視諸侄及侄孫曾孫均撫愛周至若有一人失所者氏無不引爲己憂故孫曾孫輩皆依賴之如命終日繞膝依依未嘗暫離即多男多女者無此親愛也自幼節儉勤勞衣無華飾食甘淡泊終年不曠一日功不濫用一文錢而待人寬厚遇貧苦親鄰輒周之無吝色然最惡浪蕩子弟母家父母早喪有兩侄一殘疾一不務正業家故暴落孫金臺屢接濟之乃謂孫曰伊家本不窮以不務正業故窮耳吾家亦非素封安能以我孫等舌

耕之穀填彼無底囊也靳之不予孫陽應之陰仍接濟之不令知也年八十餘耳聰目明猶操女紅晝荻示教孜孜不倦是以孫列邑庠以功賞五品銜曾孫蔭棠登選拔科蔭枏未弱冠卽列邑庠鄉試獲荐氏之內教實與有力焉氏生於乾隆四十二年於同治十一年臘月夜無疾而歿享年九年有六

本採  
訪

葛氏邊經天妻子歸時年十七孀姑在堂家僅薄田十畝餘饗殮不給氏并曰外勤女紅相夫養老以供甘旨未及期年夫病死氏呼天籲地意在必殉轉思高堂餘年未終養生送死亦已天職乃節哀喪葬畢因夫伯兄家無別人祇有一子遂攜其姑移至共爨或以家貧無子不妨再醮勸者氏曰婦人從一而終且再醮者爲怕凍餒也吾自顧命薄溫飽將不能堪是以矢志靡他

封邱縣續志

卷十七 人物略 賢明

十八

開封新豫印刷所承印

耳由此清操愈勵治家彌勤午夜三更不辭艱辛敬姑撫侄孝慈兼盡越年姑亡無何伯兄又亡氏益失所恃急爲其侄授室門戶賴以稍立未幾侄又中道死氏泣且悲絕而復蘇者再已爲侄媳謀過繼以延宗嗣年八十有四

壽終 見邊氏家乘

任氏萇殿虎妻幼聰慧年十五于歸恪執婦道事翁姑和妯娌戚里間多稱贊之夫天沒因孀姑在堂孤子在抱不得不勉盡已職及子旣成立娶妻生孫而氏之勤勞猶未之已年八十五而終 見萇氏家乘

馮氏沙崗高攀龍妻縣東街馮彙征女幼讀書通禮義于歸後孝親順夫處置內政井井有條且性好施族黨貧乏親友告艱奴僕遭故莫不相夫周濟至於教子則勸夫無溺愛生五子長伯揚由拔貢官州同次伯傑由歲貢官訓

導三伯齡由廩貢官教諭四伯祥由武生官千總五伯和由附貢官經歷五桂聯芳燕山媲美足徵氏之家教矣

見高氏家乘

王氏寺上葛之屏妻于歸後甫五載夫卽世王矢志守義以終餘年遵舅姑命以猶子天民嗣王性寬和識大體養生送死婚男嫁女皆合義又能課女紅勤紡織敬延名師訓迪嗣子故終其身事無巨細莫不攸往而咸宜彌留之際猶以讀書不賤守田不飢積德不傾擇友不敗訓子嗣享年八十有二

見葛

氏家乘

崔氏葛塔崔某女齊寨齊某妻也結褵數載生一子二女夫卽世家赤貧更值光緒丁丑之饑崔無奈將長女字南范莊某氏童養其家率子廣路及幼女餬口安徽更將幼女女於其處母子二人始得不死無何廣路病垂危崔以

封邱縣續志

卷十七

人物略

賢明

十九

開封新豫印刷所承印

掌擊之曰兒同我至此而死耶距家千里吾將安歸子頓愈崔卽攜之旋里矢勤矢慎稍有餘資置地三畝屋三椽爲子娶婦生孫男二女一而廣路亡崔恩撫諸孤身兼養教詎孫慶運少遊蕩多方訓誨方歸於正於是又爲之娶妻女爲之擇配年七十餘卒

見採訪冊

王氏葛天民妻性溫柔具婦德事祖母及姑母三十餘年無倦佐夫子理家政偶有缺遺大半資其補拾自奉雖儉待人以寬遇有急難施不望報年六十有七以姑喪過哀致疾逝世

見採訪冊

黃氏高產角黃金臺長女幼字前葛塔劉盛木子成禮後二載生子名丕緒劉本望族氏出閣時已式微姑早逝翁篤厚而短於才不善治生無何夫得精神病狂顛不知人事旋亦卒家暴落氏矢志靡他自甘澹泊顧孤兒寡母朝

不慮夕奚以度日其父憐之命車迎其母子就養氏本勤儉精細自還母家事父母孝撫弟侄輩慈愛兩弟婦如姊妹怡怡和枕毫無隔閼家中執爨井臼縫紉諸瑣事強半均身任自此父母心安閤宅歡娛丕緒漸長其外祖親教之讀爲之結婚於本村陳氏適其長弟婦原氏逝世遺一子夢賚甫周歲氏撫養如己出兒數歲猶以姑爲母者也依依膝下其阿保之功可想已泊丕緒成人卽爲畢婚除舍舍之旣而不幸其母竇天氏亦因病逝世丕緒飲水知源頗有首丘之思其外祖不忍令其驟去漸爲積儲伊家有當價地若干畝數年後卽以積儲之資贖出復爲築草舍三間迺送還於故里

本採訪册

劉氏朱留橫朱曉衆妻其事翁姑勤謹周至姑晚年多病劉侍湯藥未嘗稍懈

鄉人賢之壽享七十有二

封邱縣續志

卷十七

人物略

賢明

二十

開封新豫印刷所承印

王氏張瀛繼室夫早卒遺子太平尙幼穉以家貧竭力維持上供高堂下給弱息孝慈並臻堅貞不移嗣後太平成立娶妻邵氏生二子而夫妻又相繼卽世當此之時翁姑年邁孫尙孩提王矢勤矢慎始能有濟後於二老之喪更能悉本於禮壽享八十有九

張氏黃陵集吳蔭棠妻年二十于歸十二載夫故孀姑在堂三子方幼氏曰教子事姑吾責也姑臥病湯藥侍奉須臾必謹數十年如一日長子履順試輒

列前後因恬於進取遂以醫名於時

上三名見採訪册

黃氏高產角黃金臺次女適辛莊驛李學廣生二子長朝周次朝海李故素豐黃入門時家已落及學廣亡益不支家貧子幼艱苦實甚無何二子漸長各與畢婚有子有婦較前差愈乃無幾時而二子又相繼俱亡日與年近八十

之孀姑歲僅三十之寡媳三世孀婦守一三歲孤兒四壁蕭然朝夕不給居家狀況一媳出外丐食一媳在野挑菜黃與老姑兩車對紡衣裳縷縷面目憔悴困苦情形見者酸鼻既而姑棄養喪葬皆其獨任次媳亦相繼卽世止餘長婦一口弱孫半丁此時無母孤兒甫十歲日日仰屋時時對泣常此以往奚以生爲所幸者有祖遺當地數十畝暨爲開封社差霸佔之地十餘畝孤兒石頭年至十四無力與之爭質其堂兄憐之出首引入汴垣呈控將社差所佔地如數追還自此漸不斷炊而氏竟逝其長媳某村秦氏女奉姑守節民國十九年卒年七十有二其姑孀居五十餘年終年紡績不出高堂一步三世貞節故并志之

本探訪册

邊氏王村邊某女劉莊王清和妻也于歸後事舅姑以孝聞姑病湯藥必先嘗

封邱縣續志

卷十七

人物略

賢明

二十一

開封新豫印刷所承印

而後進和衣寢處者十二年無情容夫經商於外每旋里飲食起居俱以小  
心承之相敬如賓當光緒二三年間歲荐饑道殣相望氏親操紡織艱辛備  
歷合家賴以保全且性好施與鄉里有困乏無聊者升斗之求雖至再無拒  
意是以鄉里稱爲慈母爲立碑以頌其德云

賈氏黑塔田田應科妻于歸一載夫故家道貧寒日用不給艱苦備嘗而清操  
愈勵繼猶子錫藩待如已出壽八十有七無恙而終其孫岐瑞入泮得親目  
見之

苗氏朱消召妻苗得霖姊年二十夫病卒遺子女各一子甫三歲女祇數月氏  
乃恪執婦道矢志靡他事舅姑以孝撫弱以慈所尤難者二弟婦生子三日  
殤氏乃舍己女而乳侄曰不可使吾弟乏嗣終至成立三夫弟僅十歲未婚

妻以孤苦童養其家氏教以針黹嚴如師氏至三弟合卺後苗年屆花甲卒  
張氏張茹璜女大岸王雲峯妻事繼母及姑孝敬備至和顏悅色四十餘年如  
一日

方氏葭土瑞妻幼淑慎不假姆教工容德言卽無不備結褵後孝翁姑順夫子  
勤於女紅夜深未嘗言疲惜夫猝患瘋疾顛狂之狀不可醫治氏親視湯藥  
衣不解帶者數載迨夫捐館氏方少脫去簪弭整理家務無子以侄孫爲後

上五名見  
採訪冊

民國

李氏和寨李佑女咸豐八年生幼字辛莊業儒趙金鐸十九歲于歸越六載夫  
以勤學積勞死遺子東來方三歲李矢志柏舟舉能適義及子成立娶劉氏

封邱縣續志

卷十七

人物略

賢明

二十二

開封新豫印刷所承印

生一子方周歲東來爲匪劫去擲時莊井中死歸葬後孤苦益甚幸李抱達  
觀形若無事媳亦能安分守命貞節自誓李夫弟名金明與乃翁承繼之祖  
父母同居娶曹氏甫五載無所出金明又卽世迨祖父母與翁均棄養祇遺  
繼姑一人析炊後李與二弟婦異產同居妯娌幼媳共矢貞靜一門三節世

無與比

本採  
訪冊

周氏縣北關張子清妻小馬寺周子敬長女也性仁孝躬儉約于歸後相夫誠  
旦敬親承顏不幸夫中年卽世家道中衰氏親操井臼躬任紡織使長子國  
棠讀書入邑庠以品學聞其餘三子或耕或商無一遊食者且治家教子務  
以德感故一堂之中雍肅和睦從無勃谿諍語有顏柳氏之遺風焉氏性好  
施戚里中之鰥寡孤獨多沾其惠卒年七十於其歸窆之辰鄉黨述其德製

屏以表揚之

范氏石莊蔡長富妻二十四歲夫獲迂迷之疾投黃河死遺二子尚幼穉氏撫之守節愛而知勞至於成立

孫氏元善黃陵集鄭貽哲之媳次子恆若妻幼讀書知禮義年二十有七孀家貧無子氏矢志靡他孝奉翁姑讀書理家較其夫在日更勤旋入河南第一女子師範畢業歷充湯陰固始安陽及本邑女校教員所得脩金奉養二老及翁姑歿喪葬盡禮更出其資補助夫弟民國二十一年六十有八歲卒於本縣女校

王氏馬村侯玉重妻性貞淑識大體年三十夫亡哀痛迫切衣棺周備喪葬盡禮人咸稱之孝孀姑慈孤兒十數年如一日現年七十有八猶耳聰目明康

封邱縣續志

卷十七

人物略

賢明

二十三

開封新豫印刷所承印

健善飯黎明即起不廢女工云

王氏王甲三之姊年二十適祖姓越二年夫故翁姑又相繼逝孤身無依迺就食母家母家貧僅能餬口母多病胞弟甲三甫五歲事母撫弟孝友彌篤弟入庠舌耕他鄉家中事務胥賴代理勞心勞力六十餘年如一日年八十有四而康健勤勞如故鄉黨咸稱道焉

張氏大馬寺張某女南范莊王汝清妻汝清年二十病夭一女孩提繼姑孀居張懷幼敬老孝慈兼至姑卒喪葬後母女二人孤苦度日女長適汪寨文生汪兆祥生二子張年邁二外孫輪住其家少慰沉寂晚以猶子植樟嗣

田氏東吳村祁青秀妻幼孀居無所出依夫之兄嫂度日視猶子如己出勤儉持家漸至豐裕置田修舍均其一入料理且儉而不吝性好施與貧苦親鄰

莫不周濟遇他人或糴其粟皆用滿斗滿升與之間里及鄰村感其德爲之

懸匾豎碑以答厚恩云

上七名見  
採訪冊

范氏黃錕妻也幼莊靜于歸後相夫盡禮事翁姑以孝能得高堂歡妯娌四人羣處和集終不聞詬誶語異爨後命二子燦若輝若習計然策於周口時季子煜若方髫齡未幾夫遭疾奄奄在床延醫服藥歷數月如一日無何夫卒范捐多年積供喪葬家業因中落幾有凍餒憂乃氏克勤克儉不數年荐臻豐裕訓迪幼子至中學畢業以紹書香云

岳氏者岳天寶長女方翰堂妻也年十八適方氏上有二親下有四妹岳孝事和處終歲不聞詬誶聲姑氏楊患胃疼症發輒呼痛不已岳圍侍榻側目不交睫乃翁供縣署倉房職值公忙常日不暇食岳屢勸翁就外點食翁不肯

封邱縣續志

卷十七

人物略

賢明

二十四

開封新豫印刷所承印

故恆待至夜分必造膳問安畢而後退光緒二十八年秋霍亂大作姑及夫相繼卒閱六載乃翁亦棄養爾時子長江方十歲一妹三女皆未成立喪葬大事岳獨任之又爲妹及子女擇配使各有室家守節三十年子長江師範畢業恪盡孝道論者謂賢孝之報云

張氏謝卓人妻開封六寺張家女也初卓人以家貧奉母餬口於汴母傭子商均極勤敏張家意其不凡遂託良媒許成婚焉結褵後張恥熱因於人乃商之姑夫典已釵環家庭獨立既又以省居用奢相夫奉姑挽鹿旋里及至家見田舍無存於小東關姑之母家假館而居更典嫁衣什物矢勤矢慎助夫工作且事姑至孝溫清定省固無或缺而調旨潔灑非親手不敢進後姑病日供十餘食湯藥轉側雖須臾不少離姑不起痛而絕者再延至於今對姑

之誕日忌辰猶恪具珍羞設案於庭以奠尋常談及姑事仍不覺淚下沾衣  
現年六十有七其追慕之誠若將終身可風矣

上三名本  
採訪冊

李氏周王村張金蘭妻和寨李春山女十九歲于歸賢孝宜家人無間言閱九  
載生子女各一女夭方四歲金蘭亦旋卒居無何翁姑夫弟又相繼逝遺一  
不慧弟婦暨一猶子賴氏主持家政督耕作勤紡織始得免凍餒且視侄如  
子養教兼施絕不姑息迨爲其完婚後始與析居現年六十有三子張恕有  
才能家亦漸裕

本採  
訪冊

萬氏齊寨齊懷忠妻東王村萬峻壁女十八歲于歸祇五載夫故翁姑在堂年  
俱衰邁既無兄弟尤乏子女乃取堂侄慶崑爲嗣令之入學且告之曰吾幼  
年孀居所冀者汝能自立耳汝其勉之及翁姑病萬皆湯藥必親須臾不離  
卒後喪葬以禮今子慶崑師範畢業屢充高小校長胥氏之力

封邱縣續志

卷十七

人物略

賢明

二十五

開封新豫印刷所承印

劉氏高士莊郭修節妻性純孝且勤儉年三十一孀家景蕭條翁姑待養氏事  
之甚殷無時或懈惜乏子祇一女以堂兄修文次子德隆爲嗣現年六十有  
四

劉氏小魯崗翟連三繼室三十六歲孀居遺子金陵甫二歲姑病癱瘓劉懷幼  
敬老朝夕弗替勤儉治家財產日增現年七十有二

樊氏沙崗樊家女小東關任通妻也十九歲于歸閱三載夫卽世上無翁姑下  
乏子女苦無歸依夫之兄嫂度日家赤貧而柏舟自守勤勞不辭未幾夫之  
兄嫂又亡遺二子長永祥次永慶樊悉撫之成人教養兼至後以永發爲嗣  
民國三年卒壽享七十有九歲

劉氏劉莊劉家齊女大馬寺王之翰妻也十七歲于歸越二年生子女各一夫  
卽世劉哀毀甚絕食數日誓以身殉時堂上只孀姑且染阿芙蓉癖以大義  
相責方復進米粒孝親潔己姑歿後家業凋零母子三人仰賴十指自給其  
夙興夜昧教女課子刻苦勤勞且樂善好施鄉里稱之

李氏高明善妻年十八于歸甫二載而夫故生遺腹子一家雖貧而矢志柏舟  
翁屢促其醮卒不移翁遂視若贅疣乃立析產書使與夫弟異居特給薄田  
數畝以苦之李甘淡泊絕無怨意遇連年水旱生計困難佐以紡織猶不足  
乃抱子四出行乞苟延旦夕後子漸長母子勤儉家道日裕今子已成室兒  
媳孝敬迥異常婦人皆以爲作善之報云

汪氏康莊汪某女陳道謝堯妻十九歲于歸次年夫故得一遺腹子方幸承繼  
封邱縣續志 卷十七 人物略 賢明 二十六 開封新豫印刷所承印  
有人未至斬嗣孰意未滿三月子夭汪以翁姑年邁嫂氏多病徒殉恐虧已  
職是以矢志守節以二老之養生送死爲事且和妯娌慈姪女督家人力作  
人所不及民國二十三年壽七十有七卒

齊氏羅問孫士秀妻齊皆齊國士女性賢孝明內則年十九于歸頗宜家八  
載生子二女一夫卽世氏泣欲殉因念姑老子幼不忍以死塞責乃矢志柏  
舟孝慈兼盡數年如一日姑歿喪葬如禮後長子及女相繼卒次子妻王氏  
生子女各一亦卒氏現年八旬猶事縫紉炊爨可謂苦節云

上八名見  
採訪冊

### 別錄

### 人物略十一

清

王氏留光集生員鄧錫爵妻雍正十三年旌有坊現存留光集褒云純孝格天

孝子不匱 見採訪

李氏黃莊業儒黃玫妻乾隆二年旌表節孝

閻氏邑人趙世爵妻夫亡苦志守節乾隆二年旌表節孝

任氏邑生員孫承緒妻乾隆四年旌表節孝

李氏邑人張謙妻乾隆七年旌表節孝

張氏邑人王廷美妻乾隆八年旌表節孝

李氏邑生員王鎬妻乾隆八年旌表節孝

周氏邑人任克泰妻乾隆八年旌表節孝

郭氏邑人閻可繼妻乾隆九年旌表節孝

丁氏邑人李璉妻乾隆十三年旌表節孝 以上九名見通志

封邱縣續志

卷十七

人物略

別錄

二十七

開封新豫印刷所承印

王氏邑增廣生員范道恕妻乾隆十四年旌表節孝 見通志 有坊現存本縣東街

勒聯云飲冰茹蘗芳聲遠畫荻丸熊令譽長又云貞德上聞九重特煥絲綸

美徽音遠播八表同傳姓氏香又云烏頭特峙大節自今昭日月鳳詔飛頒

純孝亘古表綱常 見採訪

黃氏郭辛莊張昇妻乾隆二十一年旌表節孝 見通志 後三年建坊於該村坊左

勒詞云黃鶴歌來寡二孤雁吟去無雙貞心己著令名彰千秋誇孟母百代

美共姜艷桃何足興羨蒼柏洵堪留芳龍華飛下徽號揚冠裳盈砌畔慶賀

滿華堂 右調臨江仙 右勒詞云鬱鬱青松可愛蒼蒼古柏堪誇貞心百折摠不改

勁節傲霜華鶴髮童顏孰比玉骨冰心無加九重天上來丹詔芳名傳天涯

右調錦堂春 勒聯云平生節氣冰霜勵一點貞心金石堅 見採訪

姚氏邑人何溥妻乾隆二十三年旌表節孝

王氏邑生員孫承妻乾隆年間旌表節孝

張氏邑人王某妻乾隆年間旌表節孝

李氏邑人張濂妻乾隆年間旌表節孝

何氏邑人張昇妻乾隆年間旌表節孝

黃氏邑人李有倫妻乾隆年間旌表節孝

宋氏邑人李消妻乾隆年間旌表節孝

崔氏邑人王三駟妻乾隆年間旌表節孝

上八名見通志

鄭氏安上集杜永濂妻于歸二載永濂歿守節盡孝乾隆年間奉旨建坊旌表

見探訪冊

封邱縣續志

卷十七

人物略

別錄

二十八

開封新豫印刷所承印

方氏沙崗高某妻道光十六年旌表

建有清標彤管坊現存該村見探訪

石邊氏同治十一年旌

丁馬氏同治十二年旌

二名見檔卷

趙氏小魯崗王思忠妻旌表節孝

見探訪冊

杜氏馬塔高士秀繼室生子一名鵬翔庠生旌表節孝

見高氏家乘

李氏後仝莊仝金妻欽旌累世節孝匾額入節孝祠

見探訪冊

孫李氏光緒十三年請旌

李申氏光緒十三年請旌

二名見檔卷

王氏劉留橫劉景象妻三十歲孀居貞潔自守享年七十有六

王氏黃寨黃鳳妻守節四十四年

何氏劉留橫劉珍妻二十八歲孀貞潔自持年八十

陳氏鄧寨石某妻守節五十四年

趙氏鄧寨石某妻守節三十四年

張氏萇寨口堂妻守節三十二年

唐氏留橫劉景章妻二十八歲夫亡矢志柏舟享壽八十

劉氏縣北街張懷妻翁姑早逝于歸時年十八甫一載夫病死劉卽矢志柏舟五十八載閉戶誦經樂善不倦年七十有七而終

趙氏縣黃小街樂玉書妻二十七歲夫亡四月後生一遺腹子名樂金家慕貧無片隴日之度用夜臥牛衣艱辛萬分而清操不移享壽八十餘卒

劉氏回灣張五常妻年十八于歸二十孀居孝翁姑和妯娌守節五十八年以

封邱縣續志

卷十七

人物略

別錄

二十九

開封新豫印刷所承印

猶子鴻烈承繼

趙氏齊珍妻年二十有五夫亡遺一女矢志柏舟終身靡他

張氏萇寨萇某妻三十九歲孀居姑母年邁子女幼穉家業菲薄衣食無資而張矢志守節仰事俯畜全賴十指之力享年八十有三

吳氏劉宣妻夫亡吳欲殉旣得一遺腹子名青天卽矢志柏舟織紡度日守節三十七年

于氏張璽妻夫亡遺一穉子貞靜自守勤于紡織事上以孝撫孤以慈戚里以節孝雙全許之

王氏高勳孀妻名門淑媛頗明大義年二十五孀居子女俱無柏舟矢志終身淡妝素服不事紛華鄰里鄉黨皆稱之

雷氏高騰海妻二十二歲夫故孀姑在堂又乏子女矢志守節有勸其改醮者必以惡言相拒年踰九十無疾而逝

王氏張蘭田妻年二十有四夫歿孀姑在堂家赤貧能盡孝後繼子成立門戶趙氏劉桐妻年二十有七夫故遺一子在襁褓矢志守節撫孤以綿宗祀

石氏劉長山妻二十四歲夫故遺一子未成童姑又年邁動作需人石竭力孝慈且完清操人爭羨之

雷氏張敬恩妻年二十有一夫亡家赤貧乏子女翁姑在堂奉養需人雷乃克篤孝敬終身潔白

方氏陳善明妻二十三歲夫亡翁姑俱無惟遺一子賴方紡織補助始克度日矢志撫孤門戶成立

封邱縣續志

卷十七 人物略 別錄

三十

開封新豫印刷所承印

王氏陳玉妻二十四歲夫故遺一子在抱家赤貧衣食幸賴母家補助竟至完節延嗣

黃氏劉天蘭妻年二十有三孀居乏子遺一女因姑尚在矢志奉養誓不再逝范氏劉振海妻年二十有二孀遺一子翁患痰疾臥牀不起范日夜在側湯藥親舉衣不解帶者數年合村均稱節孝

高氏賈綸魁妻年三十有二夫亡遺一子家境赤貧無衣食資氏猶矢志守節且撫孤以承宗祀

樊氏賈鉅恩妻候補道樊啟泰妹年二十二夫自縊死得遺腹子教養成立守節四十有四年

石氏萇寨萇鋼妻三十歲夫故無所出祇姑母在室石矢志守節勤女紅以供

高堂甘旨姑卒喪葬盡禮享年七十有五

王氏萇寨賀桂妻年三十五其夫卽世家赤貧子女六人又均幼穉而氏矢志靡他艱苦度日享壽八十

劉氏趙留橫趙萬有妻年二十有五夫死無子女翁姑老邁而劉朝夕事奉敬謹從事鄰里有節孝之譽

王氏劉留橫賈欽妻年二十一夫卽世無子祇一女矢志靡他於姑之養生送死莫不如禮以堂侄成章爲嗣享年九十

齊氏黑塔田田崇義妻十八歲夫亡上無伯叔下無子女夫兄早夭猶子顯科尙幼齊一身支持內外數十年無懈志後以其侄孤子雙桃兩門均不絕嗣

王氏黑塔田田立志妻二十歲夫亡孀姑待養子未週歲王懷幼敬老照料內

封邱縣續志

卷十七

人物略

別錄

三十一

開封新豫印刷所承印

外井井有理卒至興家立業云

以上三十二名見採訪冊

趙氏小魯崗王思忠妻乾隆二十五年生二十三歲孀居教子耕讀壽八十有六卒

石氏小魯崗劉楨妻嘉慶二年生九十二歲卒

朱氏和寨李九經妻嘉慶四年生內政有法教家以義子孫滿前無敢少違其意年九十有六壽終

王氏朱留橫朱九朝妻朱尙德曾祖母嘉慶八年生九十六歲卒

王氏李有福妻嘉慶十三年生九十五歲卒

姚氏留橫趙錦妻嘉慶十七年生九十六歲卒

郭氏留橫趙秀妻道光元年生九十六歲卒

范氏王樓王清香妻道光元年生八十歲卒

張氏小魯崗劉樟妻道光五年生九十歲卒

羅氏王俊三母道光十三年生壽八十五親族敬贈五世同堂匾額

劉氏王清源妻道光十三年生壽八十有九卒

李氏縣南街翟益隆之母道光十七年生壽八十有六卒

孫氏小魯崗劉梓妻道光二十一年生九十二歲卒

賈氏王樓王清修妻道光二十六年生壽八十有四卒

賈氏王樓王鳴鶴妻道光二十六年生八十歲卒

張氏劉王村劉青泰母咸豐三年生壽八十五卒

王氏齊寨齊勳妻同治四年壽八十有二卒

封邱縣續志

卷十七

人物略

別錄

三十二

開封新豫印刷所承印

朱氏高產角黃百順妻卒於同治十三年壽九十有六

張氏齊寨齊喜妻光緒十六年壽九十有六卒

張氏齊寨齊端母光緒二十四年壽八十有八卒

謝氏呂騰蛟繼室光緒二十六年壽八十有四卒

楊氏豆腐營馬明母光緒二十八年壽九十有八守節七十年卒

王氏汪賈村汪霖母性溫和寡言語光緒二十八年壽九十卒

婁氏張光程永福母宣統元年壽九十有六卒

蔣氏齊寨齊平妻宣統元年壽八十有四卒

趙氏石莊賈盛林妻宣統三年壽八十二卒

以上二十五名見採訪

民國

王氏和寨李振瀛母民國元年壽八十九卒

張氏齊寨齊溫妻民國四年壽八十卒

田氏小山呼李慎修妻民國十年壽八十五卒

王氏縣東街焦登元母民國十一年壽八十四卒

閻氏南范莊庠生傳宗咸妻廿餘歲宗咸歿欲殉夫爲雙親幼女貞操自持奉高堂養生送死以禮教嗣子及女以義生平好佛糾合同志誦經者二十餘年民國十二年卒壽八十有四

王氏汪賈村汪寶玉妻民國十四年壽九十有四卒

祁孫氏民國十五年壽八十八歲卒

李氏城內邊胡同郭鴻儒母民國十六年壽九十一卒鄉里贈以五世同堂匾

封邱縣續志

卷十七

人物略

別錄

三十三

開封新豫印刷所承印

額

王氏北場張淑身祖母民國十六年壽八十三卒

李氏齊寨齊廣明妻民國十八年壽八十一卒

石氏齊寨生員齊會元妻民國二十年壽八十二卒

班氏西黃村營張清源妻民國二十年壽八十一卒

劉氏和寨李泰和妻民國二十年壽八十一卒

徐氏閻產角吳國良妻民國二十一年壽九十一卒

李氏張郭村范慶恩母民國二十一年壽九十一卒

王氏李莊景富春母民國二十一年壽八十六卒

張氏縣西關封漢妻民國二十二年壽八十三卒

張氏東王村陳子懋母民國二十二年壽八十一卒

石氏縣北街張獻之之嫂民國二十三年壽八十三卒

尹氏張光李雨乾母民國二十四年壽八十卒

李氏高士莊郭銳母性勤儉善理家民國二十四年壽八十卒

張氏和寨李九經次子李佑妻性溫和寡言語終身親疏無稍芥蒂民國二十

五年壽九十四卒

范氏北廠張振山之母民國二十五年壽八十八卒

陳氏齊寨齊慶倫母民國二十五年壽八十二卒

郭氏和寨李臣妻民國二十五年壽八十二卒

祁氏永頭程士楷母民國二十六年壽九十二卒

封邱縣續志

卷十七

人物略

別錄

三十四

開封新豫印刷所承印

范氏黃小街封義生母民國二十六年壽九十二卒

張氏朱留固朱廣敬祖母民國二十六年壽八十六卒

王氏縣東街原致中母民國二十六年壽八十四卒

萬氏班士科曾祖母壽九十二卒

李氏萬莊萬寶慶母壽九十二卒

呂氏王莊王啟鳳妻少寡無子事姑最孝壽八十九卒

張氏永頭程玉奠祖母壽八十二

吳氏張河卿祖母壽八十

韓氏蒿二懸妻現年百歲猶紡織不倦其族弟文成妻某氏壽八十八歲亦如

之

李氏董順妻現年九十七猶躬操織紡不亞壯時

崔氏縣北街姜某妻現年九十有六

張氏萬莊萬雪峯祖母年九十五猶康健異常針黹不倦

管氏朱桂妻蒿寨人現年九十有二

張氏蒿寨朱國華妻現年九十一猶勤於理家樂善不倦

張氏齊寨齊秉忠妻現年九十一

萬氏東王村班亮妻現年九十一

張氏蒿寨人現年九十

齊氏張省三妻現年八十八

田氏曹王村任中隨母現年八十七

封邱縣續志

卷十七 人物略 別錄

三十五

開封新豫印刷所承印

張氏曹王村人現年八十七

謝氏張郭村時泰昌母現年八十六

王氏齊寨齊天來母現年八十五

曹氏孟莊石永禎妻現年八十五

劉氏和寨周春妻現年八十四

張氏和寨李振山妻現年八十四

張氏和寨李長先妻現年八十四

劉氏陳堂李清月母現年八十四

董氏王王村曹裕恆妻現年八十三

李氏西黃村營張清臣妻現年八十三

楚氏西黃村營張學詩妻現年八十二

郭氏齊寨齊慶田母現年八十二

蔣氏齊寨齊文獻母現年八十二

李氏王王村邊景運母現年八十二

張氏黃小街黃錦妻現年八十二

張氏縣北街賈夢齡妻現年八十

高氏黃小街王蘭言母現年八十守節三十九年

以上六十一名見採訪

封邱縣續志掌故總目

第一篇 重修城堤

知縣蔣萬寧歲修護城堤壕詳文

知縣蔣萬寧歲修護城堤壕詳文後

知縣駱文光城工告竣請委驗收詳文

知縣黃庭芝修築城垣城壕諭

邑紳邊祖恭等堤口補竣請禁就堤挖土公稟

邑紳邊祖恭等城工修竣呈請驗收公稟

第二篇 禁差繞道

知縣駱文光請檄飭延祥兩縣以後供送差使由董家堤黑堦口驛路正

封邱縣續志

掌故 總目

一

開封新豫印刷所承印

站行走通稟

知縣駱文光爲延津不遵定章仍將差使送來請申明定例嚴飭遵守通稟

知縣駱文光請飭祥符縣取具堦頭甘結以後渡口祇准挪至辛店口以上不准再往來挪夾單

知縣駱文光請飭延祥遞送差使如辛店口不能得涯令改由黑堦口行走以免扳累通稟

河南巡撫部院鄭批准封邱縣非驛路正站往來差使概不准繞至封邱更換車馬碑

欽差吏部左堂署河南巡撫部院張批嚴禁繞道碑

第三篇 改訂車馬章程

知縣駱文光均定車馬告示

知縣李永吉更訂車馬通稟

知縣李永吉刊定車馬告示并章程十二條

委員鄭炳章知縣李景晟會議改訂車馬新章稟

第四篇 創建正義書院

知縣駱文光募建正義書院疏

各社捐錢附

知縣駱文光正義書院對聯

并序

知縣駱文光創建正義書院籌議經費約

知縣駱文光創建正義書院諭

知縣李永吉補修書院考棚添設義學並擬捐籌膏火通稟

知縣李永吉山長暴大儒撰定正義書院課程八則

知縣左輔改訂正義書院經費章程

知縣黃庭芝正義書院購置圖書以備閱覽諭

知縣黃庭芝訂立正義書院領書條例

正義書院藏書目錄

第五篇 開辦學堂

知縣黃庭芝遵飭設學通稟并章程

知縣姜麟書改良私塾推廣學堂諭并章程

第六篇 保存公產

封邱縣學田一覽表

典史吳人龍添置義地詳請立案稟

義地文契一 附圖

義地文契二 附圖

義地文契三 附圖

舊先農壇地基步弓清單 附圖

封邱縣常平倉文契

第七篇 憲綱條款清冊

知縣張敦緒呈送本縣大小各官及城池倉庫壇廟等項清冊

知縣張葆森遵飭呈送各項應支清冊

封邱縣續志

掌故 總目

三

開封新豫印刷所承印

知縣謝葆榮造呈賦役全書

知縣黃庭芝造呈賦役全書

第八篇 救濟旱荒

知縣逢春在城關設立粥廠並請動用積穀再行添置通稟

知縣逢春請提宋任平糶穀價接展振濟通稟

知縣閔繼文縷述地方振務情形稟

知縣李永吉奉文辦理粥廠情形通稟

知縣李永吉爲停粥放米人數遞增稟

縣長姚家望呈報黃水爲災請款急賑電文

縣長姚家望請撥急賑以救災黎電文

縣長姚家望遵查被災各區一覽表

第九篇 清代典禮

祀壇

祀廟

雜儀

第十篇 民國典禮

祀孔

附說明書及陳設辨位圖

祀關岳

附說明書

植樹節

紀念週

封邱縣續志

掌故 總目

四

開封新豫印刷所承印

紀念日

宣誓就職儀式

聖誕紀念日

附紀念歌

